

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

Ո Ր Ո Շ ՈՒ Մ թիվ - 342

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«06» դեկտեմբերի 2023թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության ղեկավար Արման Մնացականյան, քննելով՝ «ԳՈՌՀԱԿ ԹՐԵՅԴ» ՍՊԸ-ի տնօրեն Հակոբ Կարաքեհյանի (նույն. քարտ՝ 002313039, հասցե՝ ՀՀ, ք. Երևան, Մանուկյան շենք 8, բն. 7) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի՝

2023 թվականի նոյեմբերի 06-ին ՀՀ ՊԵԿ Երևանի մաքսային սպասարկման կենտրոն մաքսատուն, վարչության աշխատակիցները գնման են ենթարկել ՀՀ ք. Երևան, Շիրակի 90/1 հասցում գտնվող «ԳՈՌՀԱԿ ԹՐԵՅԴ» ՍՊ ընկերության կողմից վարձակալած տարածքում ընկերությանը պատկանող թիվ 05100010/271023/0108710 ապրանքային հայտարարագրով «Ոչնչացում» մաքսային ընթացակարգով ձևակերպված և 22.12.2022.թ-ի թիվ 04/8-4/93734-2022 ՊԵԿ հատուկ թույլտվության հիման վրա ՀՀ ներմուծված ժամանակավոր պահպանության հանձնված բեռները, որի արդյունքում պարզվել է, որ ընդհանուր պահպանության հանձնված 1700 արկղ՝ բրուտո 26300 կգ, նետո 25500 կգ քաշով հավի կրծքամսի փոխարեն փաստացի տարածքում առկա է եղել 644 արկղ՝ բրուտո 10065 կգ, նետո 9660 կգ քաշով հավի կրծքամիս, այսինքն՝ առանց մաքսային մարմինների թույլտվության ոչնչացվել է 15840 նետո քաշով ապրանք:

Փաստի առթիվ «ԳՈՌՀԱԿ ԹՐԵՅԴ» ՍՊԸ-ի տնօրեն Հակոբ Կարաքեհյանի նկատմամբ «Մաքսային կարգավորման մասին» ՀՀ օրենքի 308-րդ և 316-դ հոդվածի հատկանիշներով, կազմվել է մաքսային կանոնների խախտման վերաբերյալ արձանագրություններ:

Վարչական վարույթի ընթացքում 20.11.2023 թվականի գրությամբ հարցում է կատարվել ՊԵԿ Երևանի մաքսային սպասարկման կենտրոն մաքսատուն, վարչություն պարզելու՝ ոչ ԵԱՏՄ անդամ երկրից ՀՀ ներմուծման դեպքում իրավախախտման օրվա դրությամբ որքան կկազմի պակասորդ վերոնշյալ բեռի վճարման ենթակա մաքսային վճարների չափը, ինչպես նաև ոչ սակագնային կարգավորման միջոցների կիրառում առաջացնում է, թե՛ ոչ, որտեղից ստացված թիվ 23.11.2023 գրությամբ հայտնվել է, որ փաստացի բացակայող ապրանքատեսակների մաքսային արժեքը, ոչ ԵԱՏՄ երկրներից ՀՀ ներմուծման դեպքում, առ 06"11.2023թ-ի դրությամբ կկազմի 13 850 727 ՀՀ դրամ և առաջացնում է ոչ սակագնային կարգավորման միջոցների կիրառման պահանջ, համաձայն՝ 18.06.2010թ ՄՄ հանձնաժողովի թիվ 317 և 21.10.2010թ. Կառավարության թիվ 1442-Ն որոշումներով:

22"12"2022 թվականի թիվ 04/8-4/93734-2023 գրությամբ «ԳՈՌՀԱԿ ԹՐԵՅԴ» ՍՊԸ-ին թույլատրվել է թիվ 05100010/271023/0108710 ապրանքային հայտարարագրերով ՀՀ ներմուծված ապրանքների ժամանակավոր պահպանումը ընկերությանը կողմից վարձակալ տարածքում:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ մաքսային հսկողությունը մաքսային մարմինների կողմից կատարվող գործողությունների ամբողջություն է, որոնք ուղղված

են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման ստուգմանը և (կամ) ապահովմանը.

ԵԱՏՄ մաքսային օրենսգրքի 14-րդ հոդվածի 1-ին կետի և 7-րդ կետի 3-րդ ենթակետի համաձայն՝ Միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ: Սույն հոդվածի 1-ին և 3-րդ կետերում նշված, ինչպես նաև սույն հոդվածի 4-րդ կետում նշված ապրանքները, որոնք չեն ճանաչվել որպես Միության ապրանքներ՝ սույն Օրենսգրքի 210-րդ և 218-րդ հոդվածներին համապատասխան, գտնվում են մաքսային հսկողության տակ մինչև ոչնչացում մաքսային ընթացակարգով ձևակերպված ապրանքների փաստացի ոչնչացնելը.

«Մաքսային կարգավորման մասին» ՀՀ օրենքի 191-րդ հոդվածի 1-ին մասի համաձայն՝ արգելվում է մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը կամ ոչնչացնելը, ինչպես նաև ապրանքների և տրանսպորտային միջոցների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցները փոխելը:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Միաժամանակ հայտարարագրումն իրականացվում է գրավոր կամ էլեկտրոնային եղանակով:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգով ձևակերպվող ապրանքների հայտարարատուներ կարող են հանդես գալ անդամ պետության անձը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքները միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է:

ԵԱՏՄ մաքսային օրենսգրքի 84-րդ հոդվածի համաձայն՝ Հայտարարատուն պարտավոր է՝ կատարել ապրանքների մաքսային հայտարարագրում. սույն Օրենսգրքով նախատեսված դեպքերում մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր. ներկայացնել հայտարարագրվող ապրանքները՝ սույն Օրենսգրքով նախատեսված դեպքերում կամ մաքսային մարմնի պահանջով. վճարել մաքսային վճարները, հատուկ, հակազնագցման, փոխհատուցման տուրքերը և (կամ) ապահովել դրանց վճարման պարտավորության կատարումը՝ սույն Օրենսգրքին համապատասխան: Նույն հոդվածի 3-րդ կետի համաձայն՝ Հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ԵԱՏՄ մաքսային օրենսգրքի 2-րդ հոդվածի 10-րդ կետի համաձայն՝ «արգելքներն ու սահմանափակումներն»՝ Միության մաքսային սահմանով տեղափոխվող ապրանքների նկատմամբ կիրառվող ոչ սակագնային կարգավորման միջոցներ են:

«Եվրասիական տնտեսական միության մասին» պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ»։ «Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն։ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության։

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն։ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության։

«Մաքսային կարգավորման մասին» ՀՀ օրենքի 308-րդ հոդվածի 1-ին մասի համաձայն՝ առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը՝ առաջացնում է տուգանք՝ այդ ապրանքների և տրանսպորտային միջոցների մաքսային արժեքի երեսուն տոկոսի չափով։

«Մաքսային կարգավորման մասին» ՀՀ օրենքի 316-րդ հոդվածի 4-րդ պարբերության համաձայն՝ ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որն առաջացնում է ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի քսան տոկոսի չափով, բայց ոչ պակաս, քան երեսուն հազար դրամի չափով։

Հակոբ Կարաքեհյանը 2023 թվականի դեկտեմբերի 06-ին հրավիրվել է ՀՀ ՊԵԿ իրավաբանական վարչություն՝ իր նկատմամբ «Մաքսային կարգավորման մասին» ՀՀ օրենքի 308-րդ, 316-րդ հոդվածների հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն «Մաքսային

կարգավորման մասին» ՀՀ օրենքի 332-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ:

Այսպիսով, նյութերով պարզվել է, որ «ԳՈՌՀԱԿ ԹՐԵՅԴ» ՍՊ ընկերության կողմից վարձակալած տարածքում ընկերությանը պատկանող թիվ 05100010/271023/0108710 տարանցման հայտարարագրով ՀՀ ներմուծված 26300 կգ բրուտտո, 25500 կգ նետտո քաշերով հավի կրծքամիսը՝ 13 850 727 ՀՀ դրամ մաքսային արժեքով (որի 20%-ը կազմում է 2 770 146 ՀՀ դրամ) չի հայտարարագրվել և 13 850 727 ՀՀ դրամ մաքսային արժեքով (որի 30%-ը կազմում է 4 155 219 ՀՀ դրամ) հավի կրծքամիսը առանց մաքսային թույլտվության ոչնչացվել է, այսինքն՝ «ԳՈՌՀԱԿ ԹՐԵՅԴ» ՍՊԸ-ի տնօրեն Հակոբ Կարաքեհյանը թույլ է տվել «Մաքսային կարգավորման մասին» ՀՀ օրենքի 316-րդ հոդվածի 4-րդ պարբերությամբ և 308-րդ հոդվածի 1-ին մասով նախատեսված մաքսային կանոնների խախտումներ, որոնք հիմնավորվում են մաքսային կանոնների խախտման վերաբերյալ արձանագրություններով, 06.11.2023թ թվականի մաքսային զննման ակտով, ՊԵԿ-ի կողմից տրամադրված 22.12"2023 թվականի թիվ 04/8-4/93734-2022 գրությամբ, ՊԵԿ Երևանի մաքսային սպասարկման կենտրոն մաքսատուն, վարչության 23.11.2023 թվականի գրությամբ, ապրանքների Ոչնչացում մաքսային ընթացակարգով ձևակերպելու մասին որոշմամբ:

Հիմք ընդունելով «Մաքսային կարգավորման մասին» ՀՀ օրենքի 308-րդ հոդվածի 1-ին մասը, 316-րդ հոդվածի 4-րդ մասը և 334-րդ հոդվածները.

Ո Ր Ո Շ Ե Ց Ի՝

1. Հակոբ Կարաքեհյանին ճանաչել զանցառու «Մաքսային կարգավորման մասին» ՀՀ օրենքի 316-հոդվածի 4-րդ մասով և նրան տուգանել չհայտարարագրված 15840 նետտո քաշով ապրանքի մաքսային արժեքի քսան տոկոսի չափով՝ 2 770 146 ՀՀ դրամ:

2. Հակոբ Կարաքեհյանին ճանաչել զանցառու «Մաքսային կարգավորման մասին» ՀՀ օրենքի 308-րդ հոդվածով և նրան տուգանել 15840 նետտո քաշով ապրանքի մաքսային արժեքի երեսուն տոկոսի չափով՝ 4 155 219 ՀՀ դրամ:

Ընդհանուր տուգանքի գումարը կազմում է՝ 6 925 365 ՀՀ դրամ:


3. Որոշման մասին հայտնել Հ.Կարաքեհյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ կետի համաձայն՝ որոշումն ուժի մեջ է մտնում կայացման պահից, իսկ նույն հոդվածի 4-րդ կետի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ 2 ամսվա ընթացքում:

ՀՀ պետական եկամուտների կոմիտեի իրավաբանական վարչություն

(ստորաբաժանի անվանումը)

ղեկավար՝ Արման Մնացականյան

(անուն, ազգանուն)


(ստորագրություն)

Որոշման օրինակը՝ _____ էջերի վրա ստացա.

փաստաթղթի տվյալները)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փուլի գումարը ենթակա է վճարման Կենտրոնական գանձապետարանի №900005024055 հաշվեհամարին _19_ ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: